

AÐALFUNDUR

Golfklúbbs Ísafjarðar haldinn á netinu vegna takmarkana út af Covid 19 miðvikudaginn 7.apríl 2021 kl 20:00. Mættir voru á skjánum 30 félagar.

Formaður bauð fundarmenn velkomna og tilnefndi Shiran Þórisson sem fundarstjóra og Kristínu Hálfhánsdóttur sem fundarritara. Fundarstjóri tók við stjórn fundarins.

Dagskrá:

1. Skýrsla stjórnar

Formaður las upp eftirfarandi skýrslu stjórnar :

https://golfisa.is/klubburinn/skrar_og_skjol/skra/14/

2. Ársreikningur liðins árs lagður fram til samþykktar

Gjaldkeri las upp ársreikninginn. Rekstur klúbbsins gekk vel á síðastliðnu ári og voru tekjur umfram gjöld eftir fjármagnsliði kr.4.832.269 og handbært fé í lok uppgjörstímabilsins þann 30. september kr.7.861.974.

Greidd var upp skuld vegna fasteignarinnar við Mávagarð(Sundagolf) við Íslandsbanka á síðasta ári, eignin er því veðbandalaus.

Fjárfest var m.a. í nýjum golfhermi í Sundagolfi og mikið var lagt í endurbætur á golfvöllinum.

Reikningar voru samþykktir samhljóða.

3. Tillaga stjórnar um árgjöld 2021

Tillaga stjórnar um að árgjöld verði kr 52.000 og skápaleiga kr 14.000.

Óli R Ingimarsson vakti athygli á hækkun gjaldanna, 16% fannst hækkunin of mikil.

Fundarstjóri bað fundarmenn um að greiða atkvæði og var tillaga stjórnar samþykkt af meirihluta fundarmanna.

4. Fjárhagsáætlun 2021

Gjaldkeri fór yfir áætlunina sem gerir ráð fyrir sjóðstöðu kr.7.810.320 30.september 2021., tekjur umfram gjöld fyrir fjármagnsliði 3.250.000.

Hann telur áætlunina varfærna í ljósi aðstæðna. Gert er m.a. ráð fyrir uppbyggingu golfvallar, kaupum á brautarsláttuvél og varmadælu fyrir golfskálann í fjárfestingaáætlun 2021.

Áætlunin var samþykkt.

5. Lagabreytingar

Engar lagabreytingar liggja fyrir fundinum.

6. Kosningar stjórnar og skoðunarmanna

Fundarstjóri las upp tillögu uppstillinganefndar að stjórn og varastjórn:

Tillaga nefndarinnar er:

Formaður til eins árs: Gunnar Þórðarson.
Hann var samþykktur

Meðstjórnendur, kosnir til tveggja ára:
Bjarki Bjarnason, Kristín Hálfhánsdóttir og Kristján Ásgeirsson.
Þau voru samþykkt.

Varastjórn:
Þórunn Snorradóttir, Friðbjörn Gauti Friðriksson og Andrea Gylfadóttir.
Þau voru samþykkt.

Skoðunarmenn: Baldur Geirmundsson og Jens Andrés Guðmundsson
Þeir voru samþykktir.

Fyrir eru í stjórn, kosnir til tveggja ára á síðasta aðalfundi:
Anton Helgi Guðjónsson, Guðjón Helgi Ólafsson og Guðni Ólafur Guðnason.

Fundarstjóri þakkaði uppstillinganefndinni fyrir vel unnin störf.

7. Önnur mál.

Anton Helgi Guðjónsson kvaddi sér hljóðs og kynnti Toro brautarvél sem ætlunin er að kaupa, hún kostar 4.9miljónir króna m/vsk og flutningskostnaði. Mikil þörf er á þessari vél þar sem 11 ár eru síðan fjárfest var síðast í slíku tæki. Gert er ráð fyrir þessum kaupum í fjárfestingaáætlun næsta árs.

Tryggvi Sigtryggsson upplýsti fundarmenn um ástand véla golfklúbbsins og hefur mikið verið unnið í þeim í haust, hann ræddi einnig um að nauðsynlegt væri að kaupa pinnvél, með notum á henni megi auðvelda ræktun og vinnu, svona vél kostar um kr.800.000.- Bíllinn er líka kominn til ára sinna model 91, var keyptur til tveggja ára en er núna að syngja sitt síðasta.

Finnur Magnússon tók undir orð Tryggva og Antons Helga varðandi endurnýjun á tækjum, taldi ljóst að það þurfi að nútímavæða vélakostinn.

Gunnar Þórðarson þakkaði það traust sem honum er sýnt með að vera kosinn formaður og hlakkar til tímanna framundan.

Guðni Guðnason kynnti nýja heimasíðu Golfklúbbs Ísafjarðar, sem hann og Sturla Stígsson hafa haft veg og vanda af. Síðan heitir golfisa.is, þar inn verða m.a settar inn allar fundargerðir, úrslit móta og þ.h.

Salmar Jóhannsson vakti athygli á ástandi brauta á vellinum, nefndi mikla bleytu sem var viðvarandi í fyrra. Umræður sköpuðust um málið og nefnt að mikil vinna með það

að markmiði að þurrka völlinn hafi átt sér stað undanfarin ár. Hugmynd Salmars verður komið til næstu vallarnefndar til úrvinnslu.

Óli Reynir spurðist fyrir um mót komandi sumars, Guðni Guðnason formaður fráfarandi mótanefndar sagði drög að mótaskrá verða lögð fyrir stjórn fljótlega.

Anton Helgi hrósaði mótanefnd fyrir góða vinnu, sérstaklega fyrir framkvæmd meistaramótsins, hún hafi verið til fyrirmyndar.

Jakob Tryggvason fráfarandi formaður þakkaði stjórn, nefndarfólki og félagsmönnum fyrir góða samvinnu og óskaði nýjum formanni Gunnari Þórðarsyni góðs gengis í nýju embætti.

Fleira ekki gert, fundi slitið kl 21.15

Kristín Hálfhánsdóttir.